

შპს „ბათუმის სასწრაფო სამედიცინო დახმარების ცენტრი“



ელექტრონული ტენდერის საშუალებით
ძრავიანი სატრანსპორტო საშუალების შესყიდვა
(CPV კოდი 34100000, 34114120)
სამედიცინო დახმარების სატრანსპორტო საშუალებები

სატენდერო დოკუმენტაცია

დაფინანსების წყარო: 2016 წლის დაფინანსება სამედიცინო მომსახურებიდან მიღებული შემოსავლები, შეზღუდული პასუხისმგებლობის საზოგადოების სახსრები (კაპიტალური).

შესყიდვის სავარაუდო ღირებულება შეადგენს 280 000 ლარს.

ქ. ბათუმი

ს ა რ ზ ე ვ ი

1. ინსტრუქცია ტენდერში მონაწილეთათვის	3
2. საკვალიფიკაციო მოთხოვნები და ტექნიკური დოკუმენტაცია.....	4
3. ტექნიკური დავალება	5
4. სხვა მოთხოვნები	8
4. სახელმწიფო შესყიდვის შესახებ ხელშეკრულების პროექტი	10
5. დამატებითი ინფორმაცია	14
6. დანართი N1, რეკვიზიტები	15
7. დანართი N2 , ფასების ცხრილი	16
8. დანართი №3 აფიდავიტი -----	17

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია **ხელმოწერილი ან/და ბეჭედასმული** (ბეჭდის არსებობის შემთხვევაში) უნდა იყოს უფლებამოსილი პირის მიერ.

1.4 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.5 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.6 სსიპ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის, ელექტრონული ტენდერის ჩატარების წესის დამტკიცების შესახებ“ მე-11 მუხლის მე-2¹ პუნქტის შესაბამისად: იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 3 (სამი) სამუშაო დღე. ფასწარმოქმნის ადეკვატურობის დასაბუთება უნდა მოხდეს პრეტენდენტის მიერ გაფორმებული ხელშეკრულებით ან/და ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ამასთან, ფასწარმოქმნის ადეკვატურობის დასაბუთების წარუდგენლობა გამოიწვევს პრეტენდენტის დისკვალიფიკაციას „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ“ ქვეპუნქტით გათვალისწინებული საფუძველი.

პრეტენდენტის მიერ წარმოდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2. საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა (სუბკონტრაქტორის არსებობის შემთხვევაში, ასევე – მათი) უნდა წარმოადგინოს შემდეგი დოკუმენტები:

2.1. იურიდიული პირისათვის:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

2.2. ფიზიკური პირისათვის და ინდივიდუალური მეწარმისათვის:

ა) პირადობის მოწმობის ან პასპორტის ასლი;

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

3. ტექნიკური დოკუმენტაცია.

3.1. როგორც ფიზიკური, ასევე იურიდიული პირისათვის:

ა) ფასების ცხრილი ფორმა დანართი №2-ის შესაბამისად;

ბ) ინფორმაცია ანგარიშსწორების შესახებ;

გ) პრეტენდენტმა უნდა წარმოადგინოს რეკვიზიტები. (დანართი №1);

დ) ინფორმაცია გამოცდილების შესახებ;

ე) ინფორმაცია საგარანტიო პერიოდის შესახებ.

3.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს სახელმწიფო შესყიდვების სააგენტოს თავმჯდომარის 2011 წლის 7 აპრილის N 9 ბრძანების მე-2 მუხლის პირველი ნაწილის „ლ“ ქვეპუნქტით გათვალისწინებული ეტაპის დაწყების შემდეგ.

3.3. ამ პუნქტის 2.1. და 2.2. პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში ხორციელდება სისტემის მეშვეობით, შემსყიდველი ორგანიზაციის მოთხოვნისამებრ, მაგრამ არა უმეტეს მოთხოვნიდან 5 (ხუთი) სამუშაო დღეში.

3.4. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

4. ტექნიკური დავალება:

№	დასახელება	სასწრაფო დახმარების ავტომობილი 4x4
	რაოდენობა	3
1	ავტომობილის გამოშვების წელი (ექსპლუატაციაში არ მყოფი, კილომეტრაჟი არაუმეტეს 100 კმ. გარდა საქართველოს ტერიტორიაზე საჭირო გარბენისა)	2016
2	ავტომობილის ძარის ტიპი	ერთიანი ძარი
3	ავტომობილის ფერი	თეთრი
4	საჭის განლაგება	მარცხენა
5	ხიდების ჩართვა-გამორთვის საშუალება ან ოთხივე ამძრავი თვალი ავტომატურად ჩართვადი (Four-Wheel Drive Vehicle)	კომპლექტი
6	საჭის ჰიდრო ან ელექტრო გამაძლიერებელი (power steering)	კომპლექტი
7	ABS სისტემა	კომპლექტი
8	დამცავი ბალიში (აირბაგი) მძღოლის კაბინაში	2 ან მეტი
9	ძრავა (სიმძლავრე)	არანაკლებ 80 KW.
10	საწვავის ტიპი	დიზელი
11	გადაცემათა კოლოფი	მექანიკა
12	უკანა სალონის სიგრძე	არანაკლებ 2,20 მ.
13	უკანა სალონის სიგანე	არანაკლებ 1,45 მ.
14	უკანა სალონის სიმაღლე	არანაკლებ 1,54 მ.
15	გვერდითა კარი პაციენტის კაბინაში (მდებარეობა საჭის საპირისპირო მხარეს)	ღიობის ზომა არანაკლებ 0,80 მ.
16	უკანა კარის სიმაღლე	არანაკლებ 1,34 მ.
17	უკანა კარის ღიობის სიგანე	არანაკლებ 1,30 მ.
18	უკანა კარის ტიპი	გვერდზე გასახსნელი, ასახდელი ან ორ ფრთიანი
19	პაციენტის კაბინის ყოველ კარზე გათვალისწინებული უნდა იყოს დამჭერი მოწყობილობა, კარის თვითნებურად დახურვის თავიდან ასაცილებლად.	კომპლექტი
20	სათადარიგო საბურავი	სრული ზომის სათადარიგო საბურავი
21	მანქანა უნდა იყოს აღჭურვილი 2 აკუმლატორით	კომპლექტი
	საიმობილიზაციო საშუალებები	
22	უნივერსალური გასაშლელი საკაცე, ბორბლებზე, პაციენტის ღვედით (მინ. სიგრძე (ლეიბის) - არანაკლებ 1.8 მ., გათვლილი არანაკლებ 150 კგ. წონაზე, საკაცის მაქსიმალური წონა - 40 კგ.)	1
23	საკაცის საკეტი, საფიქსაციო კომპლექტი	კომპლექტი
24	სათადარიგო საკაცე (დასაკეცი) კომფორტულად დამაგრებული, მოხსნა დამაგრებამ არ შეუქმნას დისკომფორტი პაციენტს.	1
25	საიმობილიზაციო ფარი (პაციენტის ღვედების მინიმუმ 3 კომპლექტით) მინიმალური სიგრძე 1,7 მ. - დამაგრებული ისე რომ მისი ჩამოღება დისკომფორტს არ უქმნიდეს ავადმყოფს.	1
	სამედიცინო აპარატურა და მასალები	
26	ჟანგბადის გაყვანილობა	კომპლექტი
27	ჟანგბადის ბალონი, საფიქსაციო კომპლექტით და რედუქტორით	2

	(თითოეულის მოცულობა 10,0 ლ.)	
28	ჟანგბადის წნევის რეგულატორი	2
	დიზაინი	
29	სალონის თბოიზოლაცია	კომპლექტი
30	წინა და უკანა სალონების გათბობა/გაგრილების სისტემა	კომპლექტი
31	კარადები-სხვა და სხვა სათავსოებით და სამაგრებით, გამოსახსნელი მყარი მასალით, საკაცის ზემოთ, გვერდზე გასაწევი კარით (კარადის სიღრმე არანაკლებ 20 სმ)	კომპლექტი
32	მძღოლისა და პაციენტის კაბინის გამყოფი ტიხარის ქვედა ნაწილი უნდა იყოს მყარი კონსტრუქციის, ხოლო ზედა ნაწილში არანაკლებ 40x20 სმ (სიგრძე - სიმაღლე) სიმაღლის გასახსნელი სარკმელი (დამზადებული ორგანული მინის გვერდზე გაწევის ფუნქციით)	კომპლექტი
33	სახელური პაციენტის განყოფილების ზედა ნაწილში (მყარი კონსტრუქციის)	კომპლექტი (არანაკლებ 170 სმ)
34	ექიმის მოძრავი სავარძელი (უსაფრთხოების სამწერტილიანი ღვედით) უკანა სალონის შუა ან წინა ნაწილში (განლაგება შემსყიდველთან შეთანხმებით)	1
35	სათადარიგო ასაკეცი სავარძელი, უსაფრთხოების ღვედით. უკანა სალონის შუა ან წინა ნაწილში (განლაგება შემსყიდველთან შეთანხმებით)	1
36	იატაკის (ანტიბაქტერიული) წყალმდეფი იზოლაცია	კომპლექტი
37	ჭერის და კედლების საფარი (თბო, ხმაურისა და წყალმდეფი იზოლაცია)	კომპლექტი
38	ცეცხლმაქრი (ავტომატური)	1
39	უკანა სალონის მინა ნახევრად გამჭვირვალე საფარით (უკანა სალონის არანაკლებ 1 სარკმელი, გაღების ფუნქციით)	კომპლექტი
40	უკანა კარი მინით, ნახევრად გამჭვირვალე საფარით	კომპლექტი
41	გადასხმის სისტემის საკიდი, ჭერის.	კომპლექტი
42	ადგილების რაოდენობა წინა სალონში (მძღოლის ჩათვლით)	არანაკლებ 2
	ელექტრო დანადგარები, ელექტრო სისტემა	
43	სასიგნალო ციმციმა (LED ტექნოლოგიით) დიოდური ლურჯი დიოდურ მატრიცაში. დიოდის სიმძლავრე არანაკლებ 1W, ჰერმეტიკული შესრულების მატრიცით, შუქდიოდების მართვის პულტით. ციმციმების განლაგება (შემსყიდველთან შეთანხმებით) სახურავზე განივად დამონტაჟებული, ასევე - ავტომობილის წინ - რადიატორთან (2 ლურჯი და 2 თეთრი ნათებით), გვერდებზე - თითოეულზე ერთი ლურჯი და ერთი თეთრი ნათებით (ორივე გვერდზე ჯამში ოთხი ცალი), უკანა ნაწილზე ორი ლურჯი ნათებით . ავტომატური სახურავზე დამაგრებული ციმციმა, დიოდების რაოდენობა არანაკლებ 120, თანაბრად განაწილებული წინა და უკანა მხარეს, გვერდითა მამუქით.	1 (სამაგრი კომპლექტი გათვლილი ავტომობილის ზომაზე)
44	სირენა (ხმოვანა გამაძლიერებელი) არანაკლებ 150 ვატი/12 ვოლტი. უქმი სვლის რეჟიმში გამომავალი სიმძლავრე არანაკლებ 115 დეციბელი, ხმამაღლა მოსაუბრე „დინამიკი“ წინაღობით არანაკლებ 6 ომისა ჰერმეტიკული შესრულებით, ხმოვანას არანაკლებ ექვსი სტანდარტული რეჟიმით, კვების წყარო 12 ვოლტი მუდმივი დენით. ხმოვანას ხმამაღლა მოსაუბრე „დინამიკი“ წინაღობით არანაკლებ 6 ომისა, სიმძლავრე არანაკლებ 150 ვატი. ხმოვანა-გამაძლიერებელი ხმამაღლა მოსაუბრეთი „დინამიკით“ სიმძლავრე არანაკლებ 150 ვატი, არანაკლებ 115 დეციბელი, დენის წყარო 12 ვოლტი. ხმოვანას ხმამაღლა მოსაუბრეთი „დინამიკი“ წინაღობით არანაკლებ 6 ომისა, სიმძლავრე არანაკლებ 150 ვატი. ხმოვანა-გამაძლიერებელი ხმამაღლა მოსაუბრეთი „დინამიკით“ სიმძლავრე არანაკლებ 150 ვატი, არანაკლებ 115 დეციბელი, დენის წყარო 12 ვოლტი.	კომპლექტი

45	სასწრაფო დახმარების შესაბამისი ჭერის განათება თეთრი ნათებით (შესაძლებელი იყოს პაციენტის სასიცოცხლო ნიშნების: კანის ფერი, გუგის რეფლექსი და ა. შ. მონიტორინგი)	კომპლექტი
46	წერტილოვანი განათება, ჭერში (საკაცისთვის)	არანაკლებ 2
47	12-220 ძაბვის ინვენტორი (არანაკლებ 1,2 KWT)	კომპლექტი
48	უკანა სვლის პროექტორი	1
49	როზეტი 220 ვოლტის	2
50	როზეტი 12 ვოლტის	2
51	უკანა სალონის ვენტილაცია (ელ. გამწოვი)	კომპლექტი

5. სხვა მოთხოვნები:

* ავტომობილზე დატანილი უნდა იყოს სასწრაფო დახმარების ავტომობილის განმასხვავებელი წარწერა/სიმბოლიკა, რომელიც წინასწარ უნდა შეთანხმდეს შემსყიდველთან. ფერი ან საღებავი, რომლითაც დატანილი იქნება სასწრაფოს სიმბოლიკა უნდა შეიცავდეს სინათლის ამრეკლ ელემენტებს.

** სათადარიგო საბურავი და სხვა მოწყობილობები დამონტაჟებული უნდა იყოს პაციენტის სალონის გარეთ, ისე რომ საჭიროების შემთხვევაში მათთან მიდგომა და ამოღება-ჩადება დისკომფორტს არ უქმნიდეს პაციენტს.

*** ყველა კარადა უნდა იყოს მიხრახნული ერთმანეთზე და სრულად დამაგრებული, რათა შეამციროს ხმაური და უზრუნველყოს შეუფერხებელი გამოყენება. ყველა კარადა დამაგრებული უნდა იყოს იატაკზე ან კორპუსზე, რათა შესაძლებელი იყოს მათი მოხსნა იმ შემთხვევაში, თუ ძრავის სამუშაოები გახდება საჭირო. კარადები უნდა იყოს საკმარისი ზომის და კონფიგურაციის, რათა უზრუნველყოს ყოველგვარი აუცილებელი აღჭურვილობის შენახვა. კარადები უნდა იხურებოდეს მჭიდროდ, რათა არ მოხდეს მოძრაობისას მათი უნებლიე გაღება.

უკანა სალონში გამოყენებული მასალები უნდა ექვემდებარებოდეს მრავალჯერად დამუშავებას სველი წესით (დეზინფექციას).

სრულად აღჭურვილი სასწრაფო დახმარების ავტომანქანის ტვირთამწეობა არ უნდა იყოს 400 კგ-ზე ნაკლები.

5.1 საგარანტიო და სერვისის პირობები:

გარანტია ძირითად აგრეგატებზე და ელექტრობა (ძარა, ძრავი, გადაცემათა კოლოფი) არანაკლებ 3 წელი; სასიგნალო ციმციმბა, ხმოვანა გამაძლიერებელი და სხვა ძირითად ნაწილებზე არანაკლებ 2 წელი ან 100 000 კმ გარბენი, რომელიც პირველი დადგება. სავალი ნაწილები გარანტია არანაკლებ ერთი წელი. გარანტიაში არ შედის: აკუმულატორი, გადაბმულობის ქურო, ნათურები, მცველები, რელეები, სწრაფცვითადი ნაწილები.

ავტომობილის შიდა აღჭურვილობაზე (სამედიცინო) უნდა გავრცელდეს არანაკლებ 1 წლიანი საგარანტიო ვადა.

მიმწოდებელმა ავტომობილების ნებისმიერი სახის ტექნიკური მომსახურება უნდა უზრუნველყოს ქალაქ ბათუმში.

5.2 მიწოდების პირობები :

მოსაწოდებელი საქონლის ღირებულება უნდა მოიცავდეს ამ ტენდერით გათვალისწინებული საქონლისა და მოწოდებასთან დაკავშირებულ ყველა ხარჯს, კანონმდებლობით გათვალისწინებულ გადასახადებს - გაფორმების ჩათვლით.

საქონლის მოწოდება უნდა განხორციელდეს ხელშეკრულების გაფორმებიდან არაუგვიანეს 150 დღის განმავლობაში.

მიმწოდებლის მიერ შესყიდვის საქონლის მიწოდება უნდა განხორციელდეს მიმწოდებლის მისამართზე.

საქონლის მოწოდება შესაძლებელი არის ასევე ეტაპობრივად, რაზეც გაფორმებული იქნება მიღება-ჩაბარების აქტი.

5.3 ანგარიშსწორების პირობები :

ანგარიშსწორება განხორციელდება მოწოდებული შესყიდვის ობიექტის შესაბამისად, მიღება-ჩაბარების (რომელსაც მიმწოდებელი წარუდგენს შემსყიდველს მიწოდების დროს) აქტის შედგენიდან არაუგვიანეს 15 დღის განმავლობაში, მიღება-ჩაბარების და სასაქონლო ზედნადების

ან ანგარიშ-ფაქტურის საფუძველზე.

მიმწოდებლის მოთხოვნის შემთხვევაში, შემსყიდველი წინასწარი ანგარიშსწორების (ავანსის) სახით გადაუხდის მიმწოდებელს თანხას, სახელშეკრულებო ღირებულების 30 %-ის ოდენობით, მოთხოვნილ თანხაზე მიმწოდებლის მხრიდან 40%-იანი საბანკო გარანტიის წარმოდგენის შემდეგ, წარმოდგენილი გარანტიიდან 10 (ათი) საბანკო დღის განმავლობაში. (საავანსო თანხაზე გაცემული საბანკო გარანტიის მოქმედების ვადა 60 კალენდარული დღით უნდა აღემატებოდეს შესყიდვის ობიექტის საბოლოო მიწოდების ვადას).

5.4 დამატებითი მოთხოვნა:

მწარმოებელს უნდა გააჩნდეს ISO სერტიფიკატი და ასევე უსაფრთხოების დამადასტურებელი საბუთი (უნდა ირიცხებოდეს NCAP ევრო ან IIHS ამერიკული "ქრშ ტესტი" ბაზაში) - NCAP ევრო ან IIHS ამერიკული "ქრშ ტესტი". - იგულისხმება საბაზისო მოდელი.

პრეტენდენტს არა აქვს უფლება წარმოადგინოს ალტერნატიული სატენდერო წინადადება.

სატენდერო წინადადების ღირებულება უნდა მოიცავდეს ამ ტენდერით გათვალისწინებული საქონლისა და მოწოდებასთან დაკავშირებულ ყველა ხარჯს, კანონმდებლობით გათვალისწინებულ გადასახადებს - გაფორმების ჩათვლით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

სატენდერო წინადადების ღირებულება (ერთეულის და საერთო ფასი) წარმოდგენილი უნდა იყოს ეროვნულ ვალუტაში -ლარში.

ტენდერში გამოიყენება ხელშეკრულების უზრუნველყოფის მექანიზმი. რისთვისაც გამარჯვებულმა კომპანიამ უნდა წარმოადგინოს საბანკო გარანტია (ბანკის მიერ გაცემული) ხელშეკრულების ღირებულების 5% ოდენობით. ხელშეკრულების უზრუნველყოფის გარანტია ძალაში უნდა იყოს ხელშეკრულების გაფორმების დღიდან 7 თვის განმავლობაში.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართ N3-ში. დანართი N3-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

სახელმწიფო შესყიდვის შესახებ ხელშეკრულების პროექტი
ხელშეკრულება №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. ბათუმი

----- 2016 წ.

ერთის მხრივ, შპს „ბათუმის სასწრაფო სამედიცინო დახმარების ცენტრი“ (შემდგომში „შემსყიდველი“) წარმოდგენილი მისი დირექტორის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, სახელმწიფო შესყიდვების შესახებ კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 “ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. “მიმწოდებელი” ნიშნავს პირს, რომელმაც მოიპოვა გამარჯვება ტენდერში და ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.
- 1.6. „საქონელი” - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

- 2.1. ხელშეკრულების საგანს წარმოადგენს 3 ცალი სასწრაფო დახმარების ავტომანქანის შესყიდვა (სტაციონალური).
- 2.2. ხელშეკრულებით გათვალისწინებული საქონლის რაოდენობა და აღწერა მოცემულია ტექნიკურ დავალებაში, ფასების ცხრილში (დანართი №2), რომელიც თან ერთვის ხელშეკრულებას, როგორც მისი განუყოფელი ნაწილი.
- 2.3. კლასიფიკატორის კოდი: 34110000, 34114120.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. ანგარიშსწორების ფორმა იქნება: უნაღდო (გადარიცხვა) ეროვნულ ვალუტაში.
- 4.2. მიმწოდებელთან ანგარიშსწორება იწარმოებს (სამედიცინო მომსახურებიდან მიღებული შემოსავლები, შეზღუდული პასუხისმგებლობის საზოგადოების სახსრები, (კაპიტალური)) მოწოდებული ობიექტის შესაბამისად, საწარმოს უფლებამოსილი პირის მიერ მიღება-ჩაბარების აქტის შედგენიდან არაუგვიანეს 15 დღის განმავლობაში (მიღება-ჩაბარების, სასაქონლო ზედნადების ან ანგარიშ-ფაქტურის საფუძველზე).

4.3. მიმწოდებლის მოთხოვნის შემთხვევაში, შემსყიდველი წინასწარი ანგარიშსწორების (ავანსის) სახით გადაუხდის მიმწოდებელს თანხას, სახელშეკრულებო ღირებულების 30 %-ის ოდენობით, მოთხოვნილ თანხაზე მიმწოდებლის მხრიდან 40%-იანი საბანკო გარანტიის წარმოდგენის შემდეგ, წარმოდგენილი გარანტიიდან 10 (ათი) საბანკო დღის განმავლობაში. (საავანსო თანხაზე გაცემული საბანკო გარანტიის მოქმედების ვადა 60 კალენდარული დღით უნდა აღემატებოდეს შესყიდვის ობიექტის საბოლოო მიწოდების ვადას).

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება მიწოდების შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

5.2. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.3. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.

6. საქონლის მიწოდების ადგილი და ვადა

6.1. საქონლის მიწოდების ადგილად განისაზღვრება ქალაქი ბათუმი.

6.2 მიმწოდებელი ვალდებულია ავტომატურად საკუთარი ხარჯებით განაბაჟოს და შემსყიდველი ორგანიზაციის სახელზე გადააფორმოს.

6.3. საქონლის მიწოდება შემსყიდველისათვის უნდა განხორციელდეს ხელშეკრულების გაფორმებიდან არაუგვიანეს 150 დღის განმავლობაში.

7. მხარეთა უფლება-მოვალეობანი

7.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) საქონლის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2. შემსყიდველი ვალდებულია უზრუნველყოს მიმწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.3. მიმწოდებელი უფლებამოსილია მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.4. მიმწოდებელი ვალდებულია:

ა) გადასცეს შემსყიდველს უფლებრივად და ნივთობრივად უნაკლო შესყიდვის ობიექტი;

ბ) უზრუნველყოს საქონლის მიწოდება ტექნიკური დავალების შესაბამისად;

გ) მიმწოდებელმა შემსყიდველ ორგანიზაციას ავტომატურად უნდა მიაწოდოს განბაჟებითა და შემსყიდველ ორგანიზაციის სახელზე გადაფორმებით.

დ) იმ შემთხვევაში, თუ მიწოდებული საქონელი ჩაბარების დროს ნაკლის მქონე აღმოჩნდება მიმწოდებელი ვალდებულია დაუყოვნებლივ, აღმოფხვრას ნაკლი ან შეცვალოს იგი შეტყობინებიდან 20 დღის ვადაში.

8. გარანტია

8.1 „მიმწოდებელი“ ვალდებულია, მის მიერ ავტომატურად წარმოდგენილი გარანტიის მოქმედების ვადაში, (გარანტია თან ერთვის ხელშეკრულებას, როგორც მისი განუყოფელი ნაწილი), დაუყოვნებლივ მოახდინოს ყველა გამოვლენილი ნაკლის აღმოფხვრა საკუთარი ხარჯებით ან ნაკლის მქონე საქონლის შეცვლა.

8.2 გარანტია ძირითად აგრეგატებზე და ელექტრობა (ძარა, ძრავი, გადაცემათა კოლოფი) არანაკლებ 3 წელი; სასიგნალო ციმციმბა, ხმოვანა გამაძლიერებელი და სხვა ძირითად ნაწილებზე არანაკლებ 2 წელი ან 100 000 კმ გარბენი, რომელიც პირველი დადგება. სავალი ნაწილები გარანტია არანაკლებ ერთი წელი. გარანტიაში არ შედის: აკუმულატორი, გადაბმულობის ქურო, ნათურები, მცველები, რელეები, სწრაფცვითადი ნაწილები.

8.3 ავტომობილის შიდა აღჭურვილობაზე (სამედიცინო) უნდა გავრცელდეს არანაკლებ 1 წლიანი საგარანტიო ვადა.

8.4 მიმწოდებელმა ავტომობილების ნებისმიერი სახის ტექნიკური მომსახურება უნდა უზრუნველყოს ქალაქ ბათუმში.

9. ხელშეკრულების შესრულების კონტროლი

9.1 ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი, შესყიდვების კოორდინატორი ვალერიან ბოლქვაძე.

9.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

9.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა საქონლის ჩაბარების დროს.

10. პირგასამტეხლო ხელშეკრულების პირობების შეუსრულებლობისათვის

10.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში შესაძლებელია გამოყენებულ იქნეს საჯარიმო სანქციები, ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე ხელშეკრულების ჯამური ღირებულების 0.1 %.

10.2. იმ შემთხვევაში, თუ საჯარიმო სანქციების ჯამური თანხა გადააჭარბებს ხელშეკრულების ღირებულების 4%-ს, შემსყიდველს უფლება აქვს შეწყვიტოს ხელშეკრულება.

10.3. პირგასამტეხლოს გადახდა არ ათავისუფლებს მიმწოდებელს ხელშეკრულების ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების **დანართის სახით, რომელიც ჩაითვლება ხელშეკრულების განუყოფელ ნაწილად.**

12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან

მისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს

ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

14. ხელშეკრულების ენა

14.1. ხელშეკრულება შედგენილია ქართულ ენაზე სამ ეგზემპლიარად, რომელთაგან თითოეულს აქვს თანაბარი იურიდიული ძალა. ორი ეგზემპლიარი გადაეცემა შემსყიდველს, ხოლო ერთი ეგზემპლიარი ინახება მიმწოდებელთან.

15. ხელშეკრულების მოქმედების ვადა

15.1. ხელშეკრულება ძალაში შედის ხელმოწერის მომენტიდან და მოქმედებს 2016 წლის 31 დეკემბრის ჩათვლით.

შემსყიდველი

მიმწოდებელი

დამატებითი ინფორმაცია

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: ინგა ბელელაძე ტელ: 25 42 17 (599 93 24 24); ტექნიკური კითხვებისათვის დაუკავშირდით ვალერიან ბოლქვაძეს 577 10 43 33; მის: ქ. ბათუმი, პუშკინის 154, ადმინისტრაცია II სართული.

1. რეკვიზიტები:

პრეტენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:___

პრეტენდენტის ხელმოწერა _____

თარიღი _____

ფასების ცხრილი

პრეტენდენტის დასახელება -----

№	ავტომატის დასახელება (მოდელი)	საქონლის ძირითადი მახასიათებლები	წარმოშობის ქვეყანა და მწარმოებელი	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	5	6	7	8	9

პრეტენდენტის ხელმოწერა _____

თარიღი _____

აფიდავიტი
სატენდერო წინადადების დამოუკიდებლად განსაზღვრის თაობაზე

მე, ქვემოთ ხელმომწერი, _____
(სახელი, გვარი, პ/ნ)

_____სახელით,
(პრეტენდენტის დასახელება, საიდენტიფიკაციო ნომერი)

წარვუდგენ რა სატენდერო წინადადებას _____

(შემსყიდველი ორგანიზაცია და სატენდერო კომისიის დასახელება)

მის მიერ-----

(ტენდერის გამოცხადების თარიღი და შესყიდვის ობიექტი)

შესყიდვის მიზნით გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

1. ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
2. უფლებამოსილი ვარ პრეტენდენტის მიერ, ხელი მოვაწერო ამ აფიდავითს და წარვადგინო ეს სატენდერო წინადადება;
3. ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
4. ჩემთვის ცნობილია რომ ტერმინი „კონკურენტი“ აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
5. მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
ა) სატენდერო წინადადების ფასი;
ბ) სატენდერო წინადადების ფასის გამოთვლის მეთოდი, კოეფიციენტი ან ფორმულა; გ) სატენდერო წინადადების წარდგენა ან წარდგენისგან თავის შეკავება;
დ) ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
ე) შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
6. სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

(პრეტენდენტის
რეკვიზიტები)

(პრეტენდენტის უფლებამოსილი წარმომადგენლის სახელი, გვარი და ხელმოწერა)

(თარიღი)

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.